

萬有文庫

第二集七百種

王雲五主編

宋詩鈔

(十)

呂留良 吳振之 吳自牧選

李宣龔校

商務印書館發行

宋 詩 鈔

(十)

呂留良 吳之振 吳自牧 選

李宜龔 校

國學基本叢書

江湖長翁詩鈔

陳造字唐卿。淮之高郵人。自以無補于世。置江湖乃宜。又以物無用曰長物。言無當曰長語。故稱江湖長翁。年二十五始學儒。四十三登乙未科。尉繁昌。改教授平江府參政。范石湖曰。使遇歐蘇。名不在少游下。尋知定海縣。授朝散郎。淮南路安撫司參議官。病卒。陸放翁序其集。謂能居今篤古。卓然傑立于頽波之外。其詩椎鍊不事浮響。故見許如此。

寄二孫

憶昔初抱孫。雙鬢颯已秋。眼看與我長。歲月如許遒。我以薄宦西。汝爲守舍留。夢輒來後前。歲律歛再周。想今與迺父。長我更半頭。天姿粹而溫。整整靜不浮。六經如取攜。八面自優游。落筆動萬言。頗能如翁不。如翁何足道。抗志須前脩。良匠有妙斲。惰農無厚收。彼哉碌碌者。不源而計流。吾言不虛往。過是夫何求。

右尿

阿秦幼儻礪。勢若泛駕馬。暫別已束髮。折節殊曩者。誦書口瀾翻。晝夜曾不捨。課肯犯雪供。筆亦揮汗把。才地校優劣。不在阿儒下。平時於方兄。眇視眞土苴。念翁少年日。爲學不餘暇。混俗類疎放。秉心迺儒雅。兒今頗肖吾。解笑時苟且。師匠求有餘。好書不外假。緬懷螢雪邊。力倍功更寡。可用吾季孟。直輩古班賈。

右展

七月附米舟之浙中作

白蟲散如蛆。黑蟲聚如蟻。循緣仍嘔齧。欲寐復九起。吾舟玉爲粒。生此果何理。神奇作臭腐。秋暑況如燬。人生託洪爐。一飽蓋分爾。臨流念彫年。胡迺置身此。笑口忽喑惋。曼膚或瘡疥。隄防費應俗。情僞良不美。短籬護松菊。吾歸殊可喜。錐刀詫朋儕。嗟爾商販子。

召伯停舟辟雨去年是日之山陽。辟雨繁梁。作菩薩蠻云。

窗度荷菱風。舟艤鴛鴦浦。落帆憩篙師。避此白淙雨。長征取愜快。留滯不云苦。適喜縣麻勢。爲盪鑠石暑。去年舟繫柳。臥看虹飲渚。龍公會事發。尙記跳珠語。崎嶇不諧俗。似爲龍所予。一杯酬新涼。開瓶先酌汝。

過樊村

襄鄂二千里。何啻三百灣。風色九順逆。左往復右還。舟行已三日。沿流不作艱。卽今蒼煙面。猶是泊處山。信次有定期。曲直了不關。聊可供戲事。輕橈與回環。

贈錢郎中

矧方利祿媒。抱道俗不省。詩書工發冢。孰起世儒病。錢侯挺直節。蠻徼復蘭省。劍氣夜星明。鵬翮秋霜耿。上前論世務。萬乘爲首肯。平生中原慮。壯歲左符請。不作黃閣想。擬試白羽秉。孤忠當寧知。宏圖時宰領。

羣兒須圓曲。謂可力勝命。彼此計乘除。得喪喪崇鼎。平生信所得。一鑑照萬境。幕中辭脂韋。客右進嚴冷。主簿聲牙伯。評俗怒生癭。謂伯永令君強項翁。爭事不藏穎。謂劉山陽但有周舍思。可無衛武警。我亦意行者。泥古志未逞。朝來聽名理。剪燭延落景。寸田殊易荒。有賴剔榛梗。效奇乏良策。汲深慚短綆。惟期佩公言。不墮頽俗窳。

八月晦試院中作

官居課程地。生有文字癖。誠知蠱負山。詎得辭此檄。嘉禾古多士。孰者非巨擘。老眼不待封。舊苦眩花隔。勿云石賈玉。箴失眸亦得。荀子云。失箴者。眸面得之。捧心若爲妍。竊鉄徒自匿。陸海貪窮搜。奇寶多偶獲。巧常昏金注。勇或便大敵。清醴聆鄒琴。款識辨周鬲。頗收半段槍。遐念連城壁。渠應悔羔袖。吾敢厭鷄肋。撫囊寧利穎。體國免素食。明朝羅客拜。定自百夫特。俗無拋塹惡。歸舟緩張席。

三月初晚晴寄高縉之三首

東風掃積陰。殘雨不敢漂。壞雲裂裳帛。倒掛墮嶺腰。鳥影不作暝。夕陽明山椒。安得上上頭。風露永清宵。人家繡閨閒。湖上粧面新。湖山簫鼓中。魚鳥安得馴。山靈建飛雨。淨洗綺羅塵。卽今隄邊柳。爲誰管殘春。曲欄倚青冥。萬井入指顧。湖光漾明霞。照我凭欄處。森木倦鳥歸。遙空征鴻度。定知待月人。破竹有奇句。

車堰牛

牛力輕萬鈞。性順異諸畜。有足不解跂。有角不皆觸。課日引耒耜。爲人給穀粟。私家憂闕食。公家要餘蓄。公私雖相須。置汝誰取足。奈何過堰客。行舟動千斛。挽牽亦諉汝。最屬頸脾縮。扣角一勞之。不語對以腹。物生愧無用。懷安或作福。於人儻有益。塵身豈云酷。君看廟前牲。被繡飽芻菽。膏血薦鼎俎。誰定悲穀觫。

舟行卽事

昨日出曹娥。明日指慈谿。待潮舟爲膠。得潮舟若蜚。留滯復一快。計程元不遲。人生意失得。孰者乘除之。今屈昔已伸。彼贏此或虧。但可自適過。尙用悲喜爲。水伯愚弄人。政如造物兒。丈夫木作腸。渠輩未易知。

餞寄定海交代

縣尹古子男。今不一錢直。低催奉簡書。偵伺常屏息。白簡與按章。歲月供彈劾。當路雖所懼。姦民巧狙擊。吻間售蜂蠆。意外變白黑。防虞莫救過。彌縫或逃譴。政使有卓魯。未容置形迹。云何世難事。君不動聲色。編民翕風移。惡少且心革。田廬有笑歌。魍魎亦竄匿。斯人紀仁愛。幾磨南山石。政聲懿如此。僅免繩治厄。諸公蜚鶚書。犯嚴尙遺力。安得定海民。爲君灑薦墨。蘭臺傳循吏。採訪多失實。安得定海人。爲君秉直筆。嗟我吏隱者。志在山南北。身名萬金重。如博試此擲。賴今遺愛地。一一可矜式。政恐效西子。美顰得嘲劇。江臯一樽酒。聊挽朝天客。妙樂喧江浪。清譚到理窟。盟言底遽寒。舟駛潮水急。西望念風義。感歎徒至骨。

送李象山趨朝象山海邑。古稱象山耶。今聽李明府言。頗亦費支梧。故云。

書肘詎容掣。筆柱不可膠。付事多其防。職業自寂寥。頗思圓機士。細苛舉網條。宰邑古難之。茹苦耐煎熬。百抑不一揚。推波益驚濤。由來法愈密。祇爲下所操。一饑驅我出。銅墨強折腰。捩翅著籠中。側睨鵬冲霄。平生有知己。持橐貳銓曹。君來定倒屣。道我不自聊。願推變通術。霧雨均枯焦。而況代舍舊。肯惜引手勞。

十二月二十六日趨府

誰謂一舍遠。不辦三淪趨。亭午縣市西。衙鼓府城隅。匹馬驚鳥去。指槌冰在須。北風挾霜氣。萬象付摧枯。想當折琴絃。未怪裂人膚。馳裘被甲如。是日有若無。客首不暇回。顧客少踟躕。出處不能同。勞逸爲之殊。龐翁馬少游。似非隱者徒。鄉居老躬耕。飽溫得自虞。婆娑銅墨間。盍亦省頭顱。裘襦脫中熟。吾口良易餬。

別俞君任通判

一代石湖翁。韓歐或其儔。當時出門下。如君屈幾指。論定難爲才。我乃輩多士。椎成方未器。正賴君礪砥。師友繫魂夢。栩栩輒千里。驚見得此客。乾鵲預爲喜。一笑破千憂。天幸寧有此。石湖倏眼中。此翁真不死。

邵伯阻風小泊贈送行諸公

長征每愛日。小泊未還意。陰風自南北。客子聽軒輊。召棠望吾鄉。不作秦越異。船閣鴈鶩洲。人穿魚蝦市。相逢各吳語。知識十三四。水實不自買。海錯有佳饋。餞行餘十客。超俗見友義。笑譚寒谷春。爲我洗羈思。相與臥玉瓶。跋燭得微醉。老懷易作惡。別語毋動喙。

魏帝廟

佛狸歲未卯。志欲吞宇縣。當年江飲馬。腥血浸淮甸。無人飯耕牛。有井巢歸燕。至今閱遺史。爲汝空飲恨。緬想爪步留。殺氣纏吳分。云何此山椒。遺像儼高殿。無乃甘事讐。吳俗昧所見。或復綿歷久。後嗣忘敵怨。冥莫彼有識。福汝吾敢信。君看趙與薛。狗國冒禍釁。魏侯繼前躅。長呼死白刃。胡不尸祝之。香火均遠近。豈但祈神休。抑使頑懦奮。誰今決從違。引手適我願。

趙侯立。薛侯慶。魏侯勝。皆淮南死事將也。

長蘆寺

昔年望長蘆。去江逾百步。垣宇呀已缺。浮圖欹欲仆。僧徒噬肯留。日有沉溺懼。重來舒望眼。佛刹非故處。安衆得亢爽。定遷醺夙素。似聞瓶錫侶。復作醯醢聚。居人禱蠶麥。行客乞泉布。營者肆夸侈。施者不顧慮。百堵煥金碧。奚翅復其故。往往豪雋人。四壁有未具。彼徒創寺意。取鎮湍濤怒。向來梵唄所。倏爲蛟螭據。在己不自保。誘俗說依怙。波流置不省。此理吾未諳。

泊慈湖北岸

坐覺江流平。漣漫裂三股。舟子告風橫。因循宿中浦。慈湖古戍近。猶復小江阻。漁翁家葦間。蝸舍無鄰伍。把酒訊三老。此寧泊舟所。諗我今昔異。解帶無所苦。向來探丸徒。白晝猶旁午。一自尙書來。此輩凜刀俎。江山亘千里。有屋皆外戶。似聞襄江道。祗席過行旅。翳公舊威愛。平寧尙如許。兩地好經行。爲官喜欲舞。

倒牀鼻雷吼。夢破聞船鼓。受欺墮姑息。謂張尙書定叟。迂儒彼何取。

上下驛磯

湖陰數里間。山麓屹兩磯。磯麓突江出。禹功不及施。千古妨行舟。死生繫毫釐。我昔步磯上。雨歇暑氣微。驚湍下百尺。怒勢轟千聲。尙憂坤軸動。無怪沙岸欹。蟄龍渠得安。過鳥翅欲垂。頭眩膽爲掉。坐歎舟上兒。壯哉天下險。姦軌容抵巇。如身護風寒。要地此幾希。今來歲華暮。去舟良坦夷。人言水進退。寒暑分盛衰。古來設險守。亦有可易時。函谷與劍閣。秦漢嘗用之。人輕地亡重。正煩折箠筭。特險無興國。興國須藩籬。帝王所取重。文武各攸司。險易倏變改。卽磯餘可推。

蕪湖感舊

下帆同烏棲。掛帆逐鷄起。但見蕪湖月。耿夜清如水。江左此壯縣。我昔舟屢艤。諸公各敬客。欵曲豈今比。酒杯慣邀留。妓圍供燕喜。流連動十日。每過蕪湖。朱丁諸公約以十日爲期。揮掃或千紙。舊游想如昨。故交今餘幾。逝者泉壤隔。存者參辰似。浪憑楚些招。盍寄相思字。可能喚巫陽。且欲託雙鯉。

過繁昌

江山互映帶。竹樹渺隱見。居人江山間。安處忘古縣。泊舟穴子初。舊觀儼自荐。嶺山高攙雲。雲際抹深靛。慰我塵埃容。嘉此煙雨面。山脚慣奔走。尉曹分卑賤。縣人應指似。髣改顏狀變。漂零渠未知。憂患嘗欲遍。

俛仰二十年。轉眄閱蜚電。故人半在亡。在者或海甸。明朝理去楫。山影暝江練。安得人如山。來往長相見。

繁昌早發

客行固塵身。留滯如捩翼。及茲祖禮竟。蓐食理帆席。風停浪未蟄。天曙月正白。版磯匯湍殺。荻港煙樹碧。杖策丁家洲。徙倚容少息。無酒問山店。憶鱸聽村笛。鳥鳥啼松竹。鴈鴒下沙磧。回柁投曲澳。又寄糝潭夕。情疏或易合。不作淮楚隔。纍然槁項翁。軟語慰行役。

泊海子口

池口至海口。望望三舍外。辰發莫已到。回首西日在。風師肯憐客。祖道煩一噓。我舟疑淩虛。楚山眞歷塊。蜚鳥相讓疾。驚浪乃弗逮。窮途坐局縮。頗嘗得此快。遄邁自本圖。闕供恐貽悔。未辦問村醪。且計具薪菜。

泊小姑山

楚山屹兩姑。我見乃其稚。聞名詩卷間。識面客舟次。玉刻極端麗。簪植暝蒼翠。娟月上天角。相與詫嫵媚。怒風將我西。未慙卜晚憩。山足舟可艤。山木纜可繫。山外正風波。獨此佳食寐。斷知有神物。主此勝絕地。明朝捐行囊。可無答神賜。白鵝雪爲肪。綠蟻香馥鼻。舟穩風又熟。無乃契神意。未暇訪彭郎。辭費辨非是。

郭家洲

攜兒上絕岸。微徑步蒙密。人稀鳥鳥樂。老屋幾百室。荒涼郭家洲。籬落映殘日。問俗得周旋。廛門頗蒼卒。

興衰今昔殊。郭姓尙十七。鄰里闕鹽茗。翁姬僅鹽櫛。共說頻歲歉。平陸江浪沒。場圃或潭洞。橡棋行嶮嵯。去秋微收爾。樵採取黔突。接耳多樂郊。一去恐兩失。吾邦有杜母。撫我不待乞。蠲租桑柘在。休役孫子佚。意使流殍無。寧後倉廩實。官今潯陽來。吏師那容失。書紳拜此賜。知我佐郡紱。古來裨肉食。多自藟藟出。必若窮吏道。孰先究民疾。剝膚快目前。吾固笑無術。

離富池

江流寂無聲。明滅窗月曉。客枕歸夢餘。意先西蜚鳥。雪天信少風。翳面正繚繞。富池忽信次。肯羨鵬鵠矯。向免犯險艱。神惠顧豈少。今晨有佳興。調笑向諸小。波平旗脚直。康莊馳驟褻。鱗鱗到座隅。健鵲啁林杪。人家積蘇間。山影橫練表。未成官縛去。得句吾事了。

龍眼礪甚小而巧。漁者聚焉。

誰謂石一拳。不作江流礙。朝來揚帆西。瞥若驥歷塊。龍眼風火礪。培塿視華岱。似聞潢潦時。亦復鼓湍匯。鑿去本不難。奇巧禹所愛。其上嘉樹密。其側魚網曬。居惟羨漁鄉。復欲老犢背。西歸儻得此。庸敵七里瀨。次臧秀才讀蘇集秀才甚文。予未識也。

自我得蘇集。玩閱幾忘年。汲甘乏脩綆。適遠疲短牽。取一九不隨。望若終茫然。子齒始半我。用志超我先。晶瑩出秀句。妙斲遺雕鐫。此翁深堂奧。駢闐誰敢專。潢污置不云。學海須百川。怪子介且方。落筆盤走圓。

子真蘇門徒。豈獨長短篇。平生脩月手。不補衣履穿。秦黃晁張陳。衆星耿霜天。世儒昂其首。指似如登仙。子起斯人後。遊刃牛無全。邢娥望可知。衆女空丹鉛。何時班荆地。解我心懸懸。卽今清夜夢。不止懷昔賢。雪夜與師是棋次前韻

投醪士或醉。說梅人不渴。窮途餘樂事。不受憂患遏。詩可供呻吟。棋亦識死活。朝來喜雪句。神藥胎可奪。一抔與兒晤。斷無市聲聒。旣免沈舟譖。不作賭墅謁。指冷良易忍。眼花苦爲孽。疏置仍作罪。隨意略細閱。瓜葛勝負間。時亦近屑屑。策幾奇兵慶。地比弱王割。吾非江左管。舐犢愈愛說。升沈作豐悴。今古無成說。家居鼓吹具。藉以保晚節。掀髯得一笑。爲汝倒蕉葉。袖手聽殘更。紅麟噎晴雪。

再次韻雪應時可喜。晴不遲。尤可喜。雪止恰除夜。因作。

人間十日雪。已潤夸父渴。宿雲忽披靡。義馭與抑遏。春從九地回。旋放牙甲活。主張披拂是。大塊司予奪。椒栢追時序。鼓吹聽曉聒。詩壇有同盟。辦作銜袖謁。得雪晴更佳。過是或爲孽。羣山半披剝。衆巧獻一閱。懸知兵吏集。不待鋪木屑。令尹活人手。小試牛刀割。廣文甘僻左。不肯事容說。與俗分樂事。盍以韻語說。獨慙長鬚送。不量好時節。六一謂聖俞曰。山婦云。好時好節。所樂在此。要須百篇富。趁此梅未葉。正使領兒觥。快作湯沃雪。

外朝走馬息。險絕欲無路。駟駿蹙萬蹄。勢若敵場赴。崩騰臨空曠。踣足此小駐。蕭然一驛傍。爲此數家聚。川城南山下。邑屋隨指顧。行人不勝喜。息駕始此處。蹙然愀然意。南北分來去。我解房州印。初試歷險步。胡爲亦自得。不作罷茶慮。鄉心建瓴水。歸夢受風絮。殘年歸來引。他日遂初賦。是役固已勞。端復酬夙素。臨風搔白首。一笑飭徒御。

涑口守風

辦舟留襄陽。辟風泊涑口。得行秋甲辰。初到夏癸酉。跛鼃已自慣。束髮至衰朽。坐是冥得喪。況復多病後。絕憐操舟兒。不措脫顙手。顧瞻峴山亭。覲面可攀取。微風吹薄暮。霽景掛高柳。涼月欲略箕。陰氛尙侵斗。明朝起拖計。未敢決可否。身已不藉在。心自無何有。一事萌一意。但見掣君肘。擁書坐蓬窗。醉我不以酒。

赤口灘

漢江多惡灘。赤口乃其最。前年將家上。正值江流殺。奔衝震溝畝。狼石森戟鏃。最屢取進寸。一跌尋丈退。聞此尙痛定。躬履況兒輩。今者劈箭去。未覺有湍匯。一雨動三日。遠岸卷澎湃。向者險巖地。了不經眼界。三老笑相語。無復憂滯礙。路可屈指計。歸將平心待。窮塗偶快意。此惠莫謀大。龍公本何心。賤子多感慨。

旅館三適

予以病愈不食麵。此所嗜也。以米藥代之。且宜燒猪。客有惠清白堂酒者。同時饗作三詩識之。

厥初木禾種。移植雲水鄉。粉之且縷之。一縷百尺彊。勻細鹽吐緒。潔潤鵝截肪。吳儂方法殊。楚產可倚牆。

嗟此玉食品。納我蔬蕨腸。七筋動輒空。滑膩仍甘芳。豈惟僕餚餌。政復奴桃榔。卽今弗泊感。頗思奉君王。雋永項上櫞。紅嫩劣帶膾。彼美大欄君。坐受羣毛朝。鼎潛走眞味。正籍松炬燒。芼我銀絲窩。葱豉巧和調。堇塗非所宜。淑郁如蘭椒。腹腴但下隸。氈根合藤條。併填長翁腹。未覺喉牙搖。但訝大嚼餘。無補詩腸枵。佳齊肯見分。春意偕客至。誰將清白名。言代碧香謚。起瀹饒磁甌。玩吮色香味。醍醐馥牙頰。沆瀣沃肺胃。桑落古宜城。不足偕品第。我病久不飲。此日欲小醉。快哉羈寓中。乃遣拜嘉惠。一盃先晨飯。欸作淩雲意。米托薦燒豬。佳此三者備。飽足仍酣醺。眇睨人間世。

官務

磨陬爲官多。曉了未更歷。今世從仕者。萬口用一律。文按日從事。鴈鶩竊投隙。自謀脫悔吝。初肯計易劇。追逮有踵接。符讞動山積。豈念南畝民。晷刻校日力。停犂聽上命。質衣供旅食。誰定老我師。黠民幾鬼蜮。緝彼刀筆吏。表裏肆狙慝。奈何食肉人。立說與推激。此論儻不破。此弊終未息。揆予閱世熟。敢此諗在職。

命書

命書唐濫觴。委源傳呂後。有倡莫爲遏。波蕩今不救。字育巨數計。八字詎所囿。甲子動垓億。舉一百萬漏。荒唐無稽據。誦言指休咎。奈何聰達人。頗復安此謬。懷刺曳長裾。偃蹇文士右。夸詡走干謁。薦墨不待叩。士有待濡沫。百請不一售。我昔遊江淮。知識間新舊。文士不到眼。此輩日交籜。辭章輕盃水。羨彼行橐富。

鰓鰓問利祿。吾儒所深陋。自笑與世違。迂論取排詬。

財昏

師昏古所辭。財昏今不耻。傳祀合二姓。古者貴由禮。四德五可外。貨賄亦未爾。民風日就頹。捨此爭校彼。媒氏未到眼。聘資問有幾。傾篋指金錢。交券舉租米。東家女未笄。儀矩無可紀。已聞歸有日。資送耀鄰里。西家女三十。閉戶事麻枲。四壁漏風霜。行媒無留趾。坐貧失行期。趣富營貪鄙。流弊例不免。其源實此起。多約或少酬。暫譽甘長毀。坐令親舊歡。詭譎變狐鬼。何況性習間。貧富岐臧否。土俗未易挽。人情大不熾。悠悠何足道。吾以諗君子。

聽政

爲政貴中和。偏徇古無取。無心斯善應。奸譽乃其蠹。奈何聞見間。往往用心誤。扶弱抑其彊。古或垂此譽。世異俗且殊。處今猶徇故。曲直本不昧。彊弱豈所據。君子不此恤。情僞溷丹素。富室被剝股。日有貧窶慮。士夫受加陵。悔不齒編戶。羸弊取必勝。玉色吞氣去。不知世富室。如母子所怙。不知意定向。未語機已露。傳繼用一律。抱冤莫赴愬。用是致和氣。南首問燕路。

錢弊

爲家重牆垣。爲民須貨殖。楊廬國百戶。東南賴控扼。淮民魚米餘。百貨仰殊域。用銅防外泄。用鐵乃奇畫。

一利伏一弊。救弊要得策。持貨買官券。捨此莫衣食。錢貨天下用。鐵乃限南北。坐令兩淮民。塊處斷貿易。計鐵取券直。十纔取六七。朝賢愛淮民。此困盍矜恤。銅鐵均國寶。通變豈無術。近甸視遠地。未可岐畛域。況今苦倒垂。倚待振焚溺。緣江八郡爾。雜用顧何失。官券朝北來。淮俗暮安宅。卽今私鑄斷。胡尙膠今昔。吾貧復淮人。計勢不容默。

吳節推趙楊子曹器遠趙子野攜具用韻謝之

平日從俊遊。寂寂坐多病。犯床漫飛埃。瑤笙罷重請。犯床置樂器床謂宮調相犯修樂器惟笙曰請昔遊喜復到。風物他日盛。坡

恐名燕支樓。亦詫端正新。交間舊友氣。合宮羽應。譚塵冰霜厲。筆陣鵝鵲勁。吏隱分樂地。與世不好徑。拔貧辦一歡。挾貴輕百乘。四豪載酒過。講德珠壁映。歌奏雲近人。舞罷鸞顧鏡。醕酢忘主賓。笑語似紛競。朱樓識阿眊。白酒醉師命。明朝耐殘醒。江聲醒幽聽。此樂謫仙後。同異君試訂。四豪成風手。可但隻字警。我投詩社名。拜手敢貌敬。

記夢示師是

青燈寒夜思吾鄉。合眼便坐吾家堂。阿丁炯然目如水。綵衣翩僂趨我傍。中心喜之謬督過。還爲遨嬉廢書課。指似斜日西窗紅。小賦未破書未供。向渠不敢恩勝義。亦憐忸縮不自容。蝶蜚鹿失忽驚寤。撼撼霜風在庭樹。幾時筆力跨乃父。與汝相忘不關慮。

題胡處士猿轡圖

畫工神品今代無。祇嶽一脈傳醉胡。幾年傲睨不落筆。乘興掃出赤縣圖。今君所寶亦第一。我疑神遇非有筆。青林紅葉晚未暝。遙山遠水秋一色。五猿踞石相因依。兩猿掛樹松枝低。仰睇側顧疊善疑。其二行齒如不知。昔人畫馬師廐馬。畫山直付居山者。野猿不馴疊易驚。逸影渠能寫閒暇。草露空荒遠刀机。卽今放麕誰氏子。山蜂負毒不足憐。盍貸蠪蛸留報喜。

布穀吟

人以布穀爲催耕。其聲曰。脫了潑袴。淮農傳其言云。郭嫂打婆。浙人解云。一百八箇。鳥何與人事。人以意測之。是非皆不同。爲作此。

潑袴不容脫。鳥語徒慙勤。輸租質農器。有袴那解新。官中催科吏如虎。告時趣耕爾能許。卽今春種未入田。安得縣胥知愧汝。卑棲俛啄良易謀。聒聒彊任田家憂。啼時未旦夜不休。班班血痕銜口頭。人將近似測禽語。汝意眞解憂農不。或傳悍妻天所怒。姑不可搗渠不顧。罰爲此鳥聲曩愆。警世毋爲郭家婦。南方諛佛古到今。人持數珠家梵音。區區說似一百八。譏訶勸相知何心。浙風淮俗隔江水。意解禽言乃如此。蘇黃妙句誰嗣之。兩地流傳併須紀。世間儒墨紛相攻。巨細彼此臧穀同。爭如痛飲臥長晝。付渠馬耳謝東風。

壑山叟

雜木漫山誰所種。居不臨流多不用。九月霜風捲黃落。羣山一夕皆班駁。遙看拖帔橫祿衣。農家刈粟山